虚所致,久不已,令人羸瘠枯瘦,心气不足,亡津液故也。诊其脉, 男子平人脉虚弱微细,皆为盗汗脉也。"丹波氏云:"《金鉴》云:此节脉证不合,必有脱简,未知其意如何。盖虚劳盗汗,脉多虚数,故有此说乎?"吾师则曰:此证桂枝加龙骨牡蛎汤所得而主之也。如本案所示,即其一例。服药后,每每周身得微微热汗出,以后即不盗汗矣。余用本方者屡,得效与治失精同。吴兄凝轩昔尝患盗汗之恙,医用浮小麦、麻黄根、糯稻根以止其汗。顾汗之止仅止于皮毛之里,而不止于肌肉之间,因是皮肤作痒异常,颇觉不舒。后自检方书,得本汤服之,汗止于不知不觉之间云。本汤既可治盗汗,又可治遗精,更可治盗汗之兼遗精者,所谓虚劳人是也。

114. 水肿

尝记吴县门人陈道南于戊辰八月偕闸北贾姓小儿来诊。手足并肿,腹大如鼓。予用:

麻黄五钱 熟附子五钱 细辛三钱

小便微通而胀如故。道南用麻黄六钱,原方中加杏仁、桔梗,一夕而小便大行,明旦肿已全消。周身微汗而病愈矣。可见开肺表疏,则一身之水,不为大气所吸,不待猪苓、泽泻,自能顺其就下之性也。

【按】《金匮》曰:"师曰,诸有水者,要以下肿当利小便,腰以上肿,当发汗乃愈。"本案单用开肺疏表,不用利水,也能治愈。

115. 皮水

蒲灰散一方,今人不用久矣。世皆论蒲灰为蒲黄,其实不然。即钱太医以厥而皮水之厥为皮水溃烂。以水伤阳气而厥冷,尤为背谬。此厥字即上文身肿而冷之冷,《伤寒》《金匮》中从未有以厥为溃烂者。此陈修园之盲从,不可为训者也。蒲灰即溪涧中大叶菖蒲。味咸能降,味辛能开。王一仁在广益医院治病,有钱姓男子,腹如鼓,股大如五斗瓮,臂如车轴之心,头面皆捉,遍体如冰,气咻咻若不

227